



kat.komp.


53410

I

Mag. St. Dr.

P

Wojniowski Alb. Caroli: *Quaestio physica
de materia prima.*



M

L

Q V Æ S T I O
P H Y S I C A,
D E
Materia Prima.

A

M. ALBERTO CAROLO WOSNIOWSKI,

Ad disputandum

P R O P O S I T A.

Anno reparatæ Salutis, 1649.

Mense Decembri, Die II. Horâ, 15.

In Magna Diui Iagellonis Aula Lectorio
DD. Theologorum.

Permissu M. D. Rectoris.

C R A C O V I Æ.

In Officina Francisci Casarij, S.R.M. Typ. Anno 1649.

Bz. 1. 8.

In arma Illustrissimæ & antiquissimæ
Gentis TARNOVIAE.



53410
I

Sydera quæ primò luxistis in orbe sereno,
Vos eadem terris consociauit amor.
Cum terris cælum fœdus properastis in vnum,
Hinc regnat pietas, inque polo, inque solo.
Quàm meritis felix igitur TARNOVIA virtus,
Cuius ad aspectum sydus vtrumque stupet.



Andreas Abrek,
Stud: Eloquentiæ.

Illustrissimo & Magnifico Domino

D. MICHAELI
STANISLAO
TARNOWSKI,

Comiti à Tarnow,

CASTELLANO WOYNICENSI,

Domino & Meccenati amplissimo.



N publico armorum & animorum
fremitu tumultuq, neq, nos in Pale-
stra Minerue sumus otiosi, Illustr. &
Mag. D. Comes. Perstrepunt quoti-
die vocibus eruditissimis nostro in Ly-
cao Philosophorum exedra; & quibus nunquā finis im-
poni potest in questionibus, si pertingunt ad aliquam co-
gnitionis opinionem, tanquā de ignorantia prostrata,
leti, & alacres triumphant. Quanquam quis tam feli-
ci preditus est ingenio, ut in altissimo Democriti puteo
demersam, aliquando integram, illesamq, in lucem erue-
re possit veritatem? Vnicā propositionis Mathematicæ
inuēta resolutione, Samius ille senex, Hecatomben boū
immolauit. Ipsa de Materia prima velitatio, qua non
fatigauit ingenia? que non inuenit ingeniose artis ef-
fugia?

fugia? quas animorū non excogitauit circuitiones, quos
in aestuosa non delassauit arenā luctatores? Mirum,
quoddere tantilla (quam nullus sensus percipere, vel at-
tingere, sola mens hominis, vix ac nisi per quedā tene-
brarum precipitia venari potest) tantus labor, tantaq;
contentio, quasi huius sine umbratili impregnatione,
nullus natura in orbe vniuerso partus, nulla rerum con-
sistentia possit subsistere. Et tamen sunt, qui neque his
tanta contentione paratis & inuentis fidem habēt; atq;
adedo reperiuntur, qui istud tam varium & lubricum Ens,
in vastas etiam calorum transferant regiones, & cum
infimis summa commisceant, maxima minimis, tanquā
vastam Iliadem Homeri nuce stringant, & coardent.
Proinde ego non peccaui, qui rem tanti momenti Tuo
Illustr. Comes conspectui, sistere non dubitarim. Nam
ut preclarè noster ait Maro.

In tenui labor, at tenuis non gloria, si quem
Numina læua sinunt, auditque vocatus Apollo.

Quo quidem in tam arduo ac difficili negotio, à Tua
potissimū Illustrissime Comes luce, lumen auspicari
volui. Quid enim Tua Illustrissime ac Magnifice Do-
mine benignissima sydera, nonne tam prouide calo lu-
cent ameno, ut inferiores etiam terrarum non dese-
rant propitio fouere lumine regiones. Equidem Tue
Gentis Clarissimus splendor, vel cum orbe condito in
lucis prorupit conspectum, vel cognatā pietate illectus,

de calo

è celo in terras ad meritorum in genus humanum propagationem defluxit. Maioribus Tuis illis inquam Heroibus fortissimis, celum semper in oculis, in pectore habet aternitas. Testantur tantas virtutes resq; pro Ecclesia Catholica, & Patria, gloriosissime gestas, templa religiosè erecta, propugnacula magnificè extructa, arma in omnes perduelles fortissimè transmissa, vel transportata, quæ lunas etiam Orthodoxas, semper terruerunt ubiq; terrarum de hereditaria celi & Dei possessione ultro dimicantia. Pleni sunt fasti, plena meritorum victoriosissima Gentis Tuae Illustrissime Comes antiquitas, pleni Annales vetustatis. Sed Tuam insuper Illustriss. ac Magnif. Comes Heroicam virtutem, fortitudinem, pietatem, magnificètiā, quæ unquam obliterabit obliuio? quæ contitescet posteritas? qui in omnes hostium impetitiones Propugnator Patrie vigilantissimus, in consilijs salaberrimis, pro bono publico promouendo Senator prudentissimus, in animis discrepantium Ciuium reconciliandis, Diribitor felicissimus, omnium vocibus consentientibus predicaris. Enimuerò cetera si vellem prosequi Tua Illustr. ac Mag. D. merita, decoraq; vereor ne clarissima luci solis, facè Diogeneam præferre videar. Et tenuis ista pagella mea Tuarum amplitudinem virtutum, quæ capere potest! Dabunt nimirum & mihi propitij Indigetes commoditatē & istā

à supremo numine facultatem impetrabunt, ut liberio-
rem aliquando sortiar scribendi campum, in quo grata
animi mei propensio in Tuis laudibus recensendis libera-
lius ac felicius excurrere possit. Nunc me Tuum ex as-
se dico, consecroq; Clientem, quem Tu singulari Illustr.
ac M. D. beneficio ornatum esse voluisti, & maiore etiã
Te cumulaturum in me, bonorum accessionem, quæ Tua
est Illustr. D. eximia munificētia, luculenter affirmasti.
Seruet Te Illustr. & Amplissime Mæcenæ, Deus Opt:
Max: Ecclesie, Patrie, Academiæ, Tuamq; totam Illu-
strissimam familiam, & virtutū Avitarum Paterna-
rumq; heredem filiū, longissimos in annos perennet.

Ut nisi sat serò caelestia regna petatis.

Donec nimirum marorem ab Ecclesia, Panicam à
Patria trepidationē, ab Academia afflictissima squalo-
rem, cū optimis & prudentissimis Patriæ Ciuibus abra-
seritis: Et nostros in animos faustitatem, pacem, tran-
quillitatem, letitiam, in illas verò Russicas regiones,
abominanda desolatione, ac perduellium Cosacorum
furore fractas, conuulsas, prostratas, securitatem ac pro-
speritatē inspiraueritis perbeatam. Ita voueo, supplexq;
exposco & oro. Datum Cracouiæ è Museo meo
Die II. Mense Decemb. Anno Domini 1649.

Illustr. ac Mag. Dominationis Vestræ,

Deuotissimus Cliens, & humillimus apud Deum
Exorator,
Albertus C. Wosniowski, Philosophiæ Doctor.
& Professor,

Q V Æ S T I O

V. Materia prima pars altera compositi Naturalis, & subiectum omnis mutationis Physicæ, sit adeò Ens potentiâ, vt omnem omninò excludat, tam Physicum quàm Metaphysicum actû, nec ne?

CONCLUSIO

Materia prima, est pars essentialis omnis compositi naturalis.

COROL.

COROLLARIA.

I.

Materiae primæ competit esse partem rerum naturalium, non tantum sub concauo lunæ contentarum, sed etiam in tota regione cælorum.

II.

Diuersæ tamen rationis esse in corporibus cælorum, à materia sublunarium, cum probabiliore sententia tenemus.

III.

Quinimò corpora cælestia inuicem specie differre totaliter, hoc est, cum ratione suæ formæ, tum etiam materiae asserimus.

IV.

Ællorum Sententiæ non subscribimus, qui Substantijs separatis, materiam Spiritualem affingunt.

V.

Ex Materia & forma, cur unum resultet per se compositum naturale, non esse quærendum; sapientissimè censuit Aristoteles 2. de anima tex: 7.

CON

CONCLUSIO II.

Materia prima est subiectum omnis mutationis Physicæ.

COROLLARIA.

I.

Materia prima ab aliquibus mutationibus immediate, ab aliquibus mediate prærequiritur.

II.

Merito autem vocatur subiectum primum.

III.

Agens naturale, quodcunque absque hoc subiecto primo nihil potest efficere.

IV.

Et est causa, cur unius generatio, alterius sit corruptio, & è contra.

V.

Unde nec est generabile, nec corruptibile, per se: licet dici potest, quod corrumpatur per accidens.

CON-

B

CONCLUSIO III.

Materia prima est pura potentia
etiam Metaphysica.

COROLLARIA.

I.

*Prædicta potentia in primo modo dicendi per se
de materia prima prædicatur.*

II.

Reducitur autem ad genus Substantiæ.

III.

*Materiæ primæ potentiam consequuntur, pri-
uat io, & appetitus naturalis ad formas.*

IV.

*Variè à Philosophis non sine causa nominatur:
Hyle, subiectum, materia, origo, Massa, elementum,
glua, mater, sæmina, turpe, chaos.*

V.

Materia prima non est cognoscibilis per se.

CON-

CONCLUSIO IV.

Materia prima excludit omnem actum Physicum, & Metaphysicum.

COROLLARIA.

I.

Dimensiones interminatas, in materia prima non admittimus.

II.

Actus subsistentiæ in materia nullus est,

III.

Existentiæ actus etiam partialis incapax est materia prima.

IV.

Immo nec per Diuinam potentiam existere potest sine formâ.

V.

Cum his tamen determinatis bene stat materiam primam esse aliquid non nihil.



Sub Felicibus Auspiciis
Magnifici & Admodum Rñdi Dñi.
D. STANISLAI ROZYCKI,
I. V. Doctoris & Professoris,
Ecclesiae Collegiatae SS. Omnium Cancellarij,
Almae Academiae Cracouienfis
R E C T O R I S
V I G I L A N T I S S I M I.



XXIV. 5. 12.

CKI,

llarij,

fis

I.

Biblioteka Jagiellońska



stdr0019220

